

ODLUKA

**O PRIHVATANJU ZADUŽENJA PO OKVIRNOM SPORAZUMU O ZAJMU
IZMEĐU BOSNE I HERCEGOVINE I RAZVOJNE BANKE VIJEĆA
EVROPE (CEB) ZA REALIZACIJU PROJEKTA ZATVARANJA
KOLEKTIVNIH CENTARA I ALTERNATIVNOG SMJEŠTAJA**

Na osnovu člana 40. stav 5. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br. 86/07, 24/09 i 44/10) Predstavnički dom Parlamenta Federacije Bosne i Hercegovine na _____ sjednici održanoj _____ godine i Dom naroda Parlamenta Federacije Bosne i Hercegovine na _____ sjednici održanoj _____ godine d o n o s i

ODLUKU

O PRIHVATANJU ZADUŽENJA PO OKVIRNOM SPORAZUMU O ZAJMU IZMEĐU BOSNE I HERCEGOVINE I RAZVOJNE BANKE VIJEĆA EVROPE (CEB) ZA REALIZACIJU PROJEKTA ZATVARANJA KOLEKTIVNIH CENTARA I ALTERNATIVNOG SMJEŠTAJA

I.

Prihvata se zaduženje Federacije Bosne i Hercegovine (u daljem tekstu: Federacija) po Okvirnom Sporazumu o zajmu između Razvojne banke Vijeća Evrope (u daljem tekstu: CEB) i Bosne i Hercegovine (u daljem tekstu: BiH) u iznosu do 40.423.203,00 EUR za realizaciju Projekta zatvaranja kolektivnih centara i alternativnog smještaja, što iznosi cca 67 % od ukupno odobrenih sredstava za BiH koja iznose 60.000.000,00 EUR.

II.

Sredstva zajma iz tačke I. ove Odluke koristit će se za finansiranje Projekta zatvaranja kolektivnih centara i alternativnog smještaja. Primarni cilj projekta je podržati interno raseljene osobe i druge ugrožene osobe da se presele iz prenapučenih, oštećenih i "privremenih" smještaja u kolektivnim centrima, gdje žive već godinama, te na taj način ostvare svoje pravo na odgovarajući smještaj. Pri tome, cilj ovog projekta također je pružiti podršku BiH da ispuni svoju obavezu "prioritetnog zatvaranja svih kolektivnih centara".

III.

Sredstva zajma iz tačke I. ove Odluke, odobravaju se Federaciji pod sljedećim uvjetima:

| | |
|----------------------------|---|
| Iznos kreditnih sredstava: | 40.423.203,00 EUR |
| Rok otplate: | do 20 godina (uključen grace period) |
| Grace period: | do 5 godina |
| Valuta povlačenja: | EURO ili USD |
| Kamatna stopa: | bit će fiksirana posebno za svaku tranšu povlačenja, a zavisi od valute povlačenja svake tranše kredita, od iznosa svake tranše, kao i perioda otplate. Za povlačenja izvršena u EUR-ima primjenjivat će se EURIBOR, odnosno USD-LIBOR za povlačenja u USD. |

IV.

Potvrđuje se da je razmatrana dokumentacija prihvatljiva za Federaciju, a posebno:

- Nacrt Okvirnog sporazuma o zajmu između CEB-a i BiH;

V.

U periodu implementacije Projekta, u budžetu Federacije potrebno je osigurati finansijska sredstva za dodatno sufinansiranje Projekta i iznosu do 572.800,00 KM.

Projekt će implementirati Jedinica za implementaciju projekta (PIU), formirana pri Federalnom ministarstvu raseljenih osoba i izbjeglica.

VI.

Daje se saglasnost za zaključivanje Supsidijarnog sporazuma između Bosne i Hercegovine i Federacije za sredstva zajma iz tačke I. ove Odluke.

Za potpisivanje Supsidijarnog sporazuma ovlašćuje se Federalni ministar finansija - Federalni ministar financija.

VII.

Za realizaciju ove Odluke i izvještavanje zadužuje se Federalno ministarstvo finansija - Federalno ministarstvo financija, Federalno ministarstvo raseljenih osoba i izbjeglica i Jedinica za implementaciju projekta, svako u okviru svoje nadležnosti.

VIII.

Implementacija Sporazuma iz tačke I. ove Odluke ne zahtijeva donošenje novih ili izmjenu postojećih zakona.

IX.

Ova Odluka stupa na snagu narednog dana od dana objavljivanja u "Službenim novinama Federacije BiH".

OBRAZLOŽENJE

Pravni osnov

Pravni osnov za donošenje ove Odluke sadržan je u članu 40. stav 4. Zakona o dugu, zaduživanju i garancijama u Federaciji Bosne i Hercegovine ("Službene novine Federacije BiH", br: 86/07, 24/09 i 44/10), koji propisuje pitanja vanjskog zaduženja Federacije i procedure za zajmove. Izmjenom Zakona o dugu, zaduživanju i garancijama u Federaciji Bosne i Hercegovine („Službene novine Federacije BiH“, broj: 44/10) u članu 40. stav 5. predviđeno je da Vlada Federacije Bosne i Hercegovine nakon prihvatanja nacrtu kreditnog sporazuma i utvrđivanja Prijedloga odluke, istu dostavlja Parlamentu Federacije BiH na usvajanje.

Razlozi za donošenje

Osnovni razlog za donošenja ove Odluke je zaduženje Federacije Bosne i Hercegovine po osnovu zajma kod Razvojne banke Vijeća Evrope za Projekta zatvaranja kolektivnih centara i alternativnog smještaja u iznosu do 40.423.203,00 EUR.

Donošenjem ove Odluke stvara se osnov za potpisivanje Supsidijarnog ugovora između Bosne i Hercegovine i Federacije Bosne i Hercegovine, kojim će se propisati uslovi za davanje zajma Federaciji, a koji će biti identični uslovima pod kojima Razvojna banka Vijeća Evrope odobrava zajam Bosni i Hercegovini za Projekt zatvaranja kolektivnih centara i alternativnog smještaja.

Primarni cilj projekta je podržati interno raseljene osobe i druge ugrožene osobe da se presele iz prenapučenih, oštećenih i "privremenih" smještaja u kolektivnim centrima, gdje žive već godinama, te na taj način ostvare svoje pravo na odgovarajući smještaj. Pri tome, cilj ovog projekta također je pružiti podršku BiH da ispuni svoju obavezu "prioritetnog zatvaranja svih kolektivnih centara".

Obrazloženje pojedinih tačaka

Tačka I. je nužna kako bi se prihvatilo zaduženje Federacije BiH kod Razvojne banke Vijeća Evrope.

Tačkom II. potvrđuje se namjena utroška sredstava zajma.

Tačkom III. precizirani su uslovi zajma.

Tačkom IV. potvrđuje se da je dokumentacija parafirana tokom pregovora sa Razvojnomo bankom Vijeća Evrope prihvatljiva za Federaciju BiH, što je uslov da Bosna i Hercegovina i Razvojna banka Vijeća Evrope pristupe potpisivanju Okvirnog Sporazuma o zajmu .

Tačkom V. se definira da je potrebno osigurati dodatna sredstva u Budžetu Federacije za ovu namjenu i implementator Projekta.

Tačkom VI. daje se saglasnost za potpisivanje Supsidijarnog sporazuma sa Bosnom i Hercegovinom i ovlaštenje federalnom ministru finansija-federalnom ministru financija da u ime Federacije potpiše isti.

Tačkom VII. se za realizaciju ove Odluke zadužuje Federalno ministarstvo finansija - Federalno ministarstvo financija, Federalno ministarstvo raseljenih osoba i izbjeglica i Jedinica za implementaciju projekta, svako u okviru svoje nadležnosti.

Tačka VIII. potvrđuje da za implementaciju Sporazuma o finansiranju nije potrebno donijeti nove ili izmijeniti postojeće zakone.

Tačka IX. propisuje stupanje na snagu ove Odluke.